



# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat De Sacramentis, & Censuris

**Viva, Domenico**

**Patavii, 1723**

Art. VI. Quænam excusent ab incurrenda Censura?

**urn:nbn:de:hbz:466:1-40650**

Quando vero bonum privatum , vel  
commune talem denunciationem po-  
stulat , ad illam tenetur ; sicuti etiam  
quando pars instat , ut communiter  
docent apud Leand. disp. 7 quæst. 15.  
P. hinc uterius : A quoniam Ju-

Dubitatur ulterius ; A quoniam Ju-  
dice facienda sit denunciatio Censu-  
ra?

Respondeo cum communi contra  
Ugolin., & Geminian., denunciatio-  
nem censuræ in delictis omnino cer-  
tis, & notoriis fieri debere ab ha-  
bente ad hoc potestatem ordinariam,  
vel delegatam ; cum denunciatio sit  
actus executivus censuræ pertinens ad  
potestatem correctivam : Quare si cen-  
sura lata fuit ab homine vel per sen-  
tentiam particularem , vel per statu-  
tum , denunciatio primo , & per se  
fieri debet ab ipso , ( cum ad ipsum  
pertineat exequi sententiam suam) dein-  
de ab aliis Episcopis , vel Pastoribus ,  
si fuerint ab ipso requisiti , ex Glossa .  
Quod si censura lata sit a jure com-  
muni , tunc denunciatio non solum fieri  
potest ab Episcopo illius Dicecensis ,  
ubi patratum est delictum , ut do-  
cent Suar. , Bonac. , & alii cum Leand.  
quæst. 6. , eo quod ratione delicti ibi  
commissi Reus factus sit quoad hoc  
subditus ; sed etiam fieri potest a pro-  
prio Ordinario ipsius delinquentis ;  
ut iidem docent contra Filluc. , Cor-  
nejum , & Alter.

Advertendum denique, quod supra innuimus, videlicet ante denunciationem præcedere debere sententiam declaratoriam criminis, ratione cuius lata fuit censura. Ita communiter Doctores contra Panormit., & Felin., qui putant hoc non requiri, quando crimen est ita notum, ut nullam habeat excusationem, nec ulla possit tergiversatione celari; quod tamen raro accidit, siquidem vix fieri potest, ut crimen quodcumque sit omnino inexcusabile: Quoniam vero sententia declaratoria criminis est actus judicialis,

Pars VIII.

debet consequenter illam præcedere  
citatio Rei , ut declaratio fieri possit  
cum cognitione causæ ; jure enim na-  
turali conceditur unicuique copia de-  
fensionis , antequam damnetur . Quod  
si citatio non præcedat , sententia non  
solum est injusta , sed etiam invalida ,  
ut ipsemet Pontifex testatur Cap . I.  
de Causa possessionis , & proprietatis di-  
cens : Nec nos contra inauditam par-  
tem possumus aliquid definire . Ita et-  
iam communiter Doctores , qui pa-  
riter docent , quod si Reus citatus sta-  
tim compareat , crimen fateatur , &  
satisfactionem offerat , non possit juste  
denunciari , sed debeat absolviri , ut no-  
tat Leand . quæst . 10. , & Suar . disp .  
3. sect . 10. , quandoquidem pœna me-  
dicinalis , reo correcto , non debet  
amplius perseverare ; & multo minus  
debet augeri per denunciationem .  
per quam & ab aliis vitandus est .  
& coram aliis infamatur .

## ARTICULUS VI.

Quenam excusent ab incurrenda  
Censura?

- I. Septem de causis excusari alignis potest ab incurrenda Censura.
  - II. Potest censura esse nulla ex quadruplici capite. Multipliciter etiam potest esse nulla sententia censura.
  - III. Quoniam iniustitia cause reddat nullam sententiam censura? Quid si appellatio, quam putas legitimam, a Judice ut frivola repellatur?
  - IV. Quandonam innocens tenetur ad vindicandum scandalum se gerere ut excommunicatum? Et quando tenetur obtemperare Judici sub censura aliquid praeципienti? Probabilius solum tenetur peccatum, & scandalum vitare.
  - V. Num possit Judex ad instantiam partis excommunicare aliquem secundum

**E** *dum*

- dum allegata, & probata Reum, si de illius innocentia certam habeat scientiam privatam?
- VI. Quanam impotentia excusat ab incurrienda censura? Qui culpabiliter redditur impotens ponere, quod sub censura precipitur, ab ea non excusat.
- VII. Ignorantia invincibilis sive juris Ecclesiastici, sive facti, sive pœna excusat ab incursu censura; sive ignorantia sit antecedens, sive concomitans. Num etiam excusat ab incurrienda Irregularitate? Ignorantia vincibilis quando excusat?
- VIII. In dubio sive juris, sive facti regulariter a censura excusaris.
- IX. Metus gravis excusat a censura, etiam si hæc feratur pro crimine prohibito lege naturali, nisi in contemptu censura metus inuteretur.

I. Septem causas ab incursu censuræ excusantes enumerat Escobar in summa cap. 6.; Primo censuræ nullitatem; Secundo injustitiam cause; Tertio hominis innocentiam; Quarto ignorantiam; Quinto impotentiam; & ad ignorantiam reducitur dubium, seu incertitudo sive juris, sive facti; Sexto metum; Septimo necessitatem. De singulis hic agendum.

II. Quæritur itaque primo; quandonam censura sit nulla?

Respondeo, Ex quadruplici capite oriri posse censuræ nullitatem. Primo, si nulla sit lex, ob cuius transgressiōnem fertur censura; Secundo, si data validitate legis, ipsa censuræ sententia sit nulla; Tertio, si data validitate legis, & sententiae, interponatur legitima appellatio; Quarto, si interponatur consensus partis, in cuius favorem fertur censura.

Primo itaque nulla est sententia censuræ, seu ipsa censura, si nulla sit lex; Accessorium enim sequitur na-

turam principalis. Lex autem multipliciter potest esse nulla. Primo, ex defectu jurisdictionis, seu potestatis in legislatore: Secundo, ex defectu rei præceptæ; nam si hæc sit manifeste aut turpis, aut communii bono contraria, aut undequaque levis, tam secundum se, quam relate ad finem, lex illam præcipiens sub gravi est nulla; Quamvis si res præcepta secundum se sit levis, sed relate ad finem sit gravis, lex, & censura illi annexa sunt valida; puta, si sub excommunicatione præcipiatur, ut uniusquisque restituat modicum, quod furatus est ab illo, qui propter plurima modica furtæ incidit in miseriā: Tertio, ex cessatione finis, aut totalis, aut præcipui ipsius legis; cessante enim tali fine cessat lex: Quarto demum, ex defectu sufficientis promulgationis, & acceptationis.

Deinde nulla est censura, atque adeo non incurritur, si nulla sit ipsa sententia censuræ, quæ pariter potest esse multipliciter nulla. Primo quidem, ex defectu justitia, ut mox explicabimus quæsit. sequent. Secundo, ex defectu jurisdictionis in ferente sententiam, vel quia non est Superior, vel quia non est judex competens, vel quia excommunicatus, aut suspensus nominatim denunciatus, vel quia extra suam Dioecesim existit, extra quam subditum suum excommunicare non potest, vel quia sententiam tult post interpositam legitimam appellationem, vel demum quia sententiam tult post consensum partis, in cuius favorem fertur censura, juxta ea, quæ diximus art. super. quæsit. quarto.

III. Quæritur secundo; Quandonam injustitia cause excusat ab incurrienda censura?

Respondeo, censuram non incurrit ex injustitia cause, quando forma iudicii in ea forenda non servatur, & quando injuria irrogatur reo. Potest au-

autem sententia censuræ esse nulla ;  
Primo, ex defectu justitiae legalis, vi-  
delicet, quia non est servatus in ea  
juris ordo, seu forma substantialis,  
ad quam spectat monitio, citatio par-  
tis, & alia, quæ diximus art. super.  
Quod si sententia sit injusta per de-  
fectum ordinis juris accidentalis, non  
per hoc est invalida ; Verbi gratia,  
quia monitio non fuit tria, quia cen-  
sura non lata scripto cum inserta cau-  
sa, &c. & in hoc sensu S. Gregorius  
dixit, *Sententia Pastoris sive justa, si-  
ve injusta timenda est*; Quod refertur  
a Gratian. 2. quæst. 3. cap. 1. Est  
enim timenda, quia valida, si deficiat  
in accidentaliter ordine juris. Secundo,  
sententia est nulla ex defectu justitiae  
commutativæ ; quia videlicet fertur  
cum injurya Rei ; vel quia non citatus  
damnatur ; vel quia sine causa legitima,  
& proportionata, quæ censuram  
mereatur ; vel quia per delictum non  
sufficienter probatum in foro externo.

Ubi adverte, quod si censura sit in  
foro interno invalida ex defectu cul-  
pa commissæ, potest esse valida in  
foro externo, si culpa sit juridice pro-  
bata ; & ideo ad vitandum scandalum  
servanda est in foro exteriori. Quod  
si violetur, non incurritur irregulari-  
tas, ex Suat. num. 19.; quia vere cen-  
sura non violatur ; cum in foro inter-  
no non habeatur censura. Quamvis  
etiam in tali casu violator censuræ  
debeat se gerere ut irregularem, ad  
vitandum scandalum, & ut talis in  
judicio damnari potest.

Adverte ulterius, quod si interponas  
appellationem, quam putas legiti-  
mam, & Judex repellat illam ut  
frivolam, & te excommunicet, non  
es excommunicatus in foro interno ;  
sed pro foro externo debes te gera-  
re ut excommunicatum, donec Judex  
appellationis declareret, illam appella-  
tionem fuisse legitimam. Ita Laym.  
part. 2. cap. 2., Avil. part. 2. cap. 5.

disp. 5. dub. 12., Pal., & alii com-  
muniter.

IV. Quæritur tertio ; Quando In-  
nocentia excusat a censura incurrenda?

Respondeo, Tripliciter aliquem pos-  
se esse innocentem, Primo, in utroque  
foro interno, & externo, seu coram  
Deo, & hominibus. Secundo, tantum  
in foro externo, seu coram homini-  
bus, quamvis coram Deo sit nocens.  
Tertio, tantum in foro interno, cum  
in foro externo probetur nocens.

Qui primo modo est innocens, vi-  
delicet in foro externo simul, & in-  
terno, quamvis aliquando possit inter-  
dicto comprehendendi, non potest ta-  
men directe ulla censura ligari ; ad-  
eoque si excommunicetur, excommu-  
nicatio nulla est, nec timenda, ut  
communiter docent Doctores apud  
Pal. disp. 13. punct. 8.; quia videlicet  
talis censura continet errorem intole-  
rabilem, quod scilicet arbitrio Judi-  
cis ea posit in fungi sine merito cau-  
sa.

Qui vero innocens est secundo mo-  
do, videlicet in foro tautum externo,  
neque potest directe, & nominatim  
censura ligari, quamvis Judex priva-  
tim sciat ejus culpam. Ratio est, quia  
sententia ferens censuram est actus ju-  
dicis publici, & forensis ; unde nisi  
culpa probetur in foro externo, sen-  
tentia est nulla ; Ita communiter cum  
Navar. ex Cap. Cum contingat ; Potest  
tamen iste talis excommunicari in ge-  
nerali ; si verbi gratia, feratur ex-  
communicatio contra omnes, qui do-  
minus aliquam furati sunt, nisi intra  
domensem fatisfaciant ; in tali casu qui-  
libet ex illis excommunicatur, nisi  
fatisfaciat, etiam in foro externo de  
nullo nominatim probari possit talis  
culpa.

Qui demum est innocens tertio mo-  
do, videlicet tantum in foro interno,  
debet in foro externo censuram, qua  
ligatur, observare ; quod requiritur

E 2 ad

ad vitandum scandalum, ut supra diximus.

Dubium tamen est; An qui in foro tantum interno est innocens, sed probatur in foro externo nocens, tenetur obedire Judici præcipienti aliquid sub censura: Verbi gratia, si præcipiat Judex sub censura Petro, ut intra mensem satisfaciat Titio reddendo centum, quæ tamen revera non abstulit; aut si præcipiat Paulo, ut cohabitetur cum Berta, quæ in foro externo probatur esse ejus uxor, cum tamen ille sciat propter impedimentum dirimens non esse veram uxorem?

Huic difficultati alii aliter respondent. Primo aliqui cum D. Th. in 4 dist. 18. quæst. 2. art. 1. quæstūn. 4. dicunt, quod teneatis obedire, quando non est intrinsece malum, sed licet id, quod præcipitur, ut in primo casu; Quare Petrus tenetur dare Titio centum, si in foro externo probetur ea sustulisse; & nisi id fecerit, peccabit contra præceptum Superioris, & censuram incurret; quamvis possit deinde uti occulta compensatione, (ut notat Con. dubitat. 13. num. 113.) quam nullus Judex potest tibi prohibere. Non potest vero Paulus in secundo casu reddere debitum Bertæ, quæ in foro externo probatur esse ejus uxor, cum tamen non sit propter impedimentum dirimens; Et ratio est, quia præcipitur in tali casu fornicatio, quæ est intrinsece mala.

Secundo alii cum Cajet. 2. 2. quæst. 74. ad 2. putant, Petrum non teneri in foro conscientiae dare centum Titio, sed solum teneri vitare scandalum; quia in tali casu sententia Superioris est injusta, & solum est iusta quoad præsumptionem; præsumptione autem non prævalet veritati; unde sententia est nulla.

Tertio putant alii cum Con. loc. cit.

num. 110. quod si Petrus non det Titio centum, peccet quidem contragitatum præceptum Superioris, sed censuram non incurrat in foro interno, quia Judex non intendit punire censura tuam inobedientiam, nisi ex suppositione, quod nolis reddere, quod debes.

Equidem censeo secundam sententiam probabiliorem, videlicet hujusmodi innocentem teneri dumtaxat peccatum, & scandalum vitare; Unde Paulus non potest reddere debitum Bertæ, & si excommunicetur, gerere se debet ut excommunicatum dumtaxat coram iis, qui nesciunt eum innocentiam ad scandalum vitandum: Petrus vero si potest citra scandalum non dare Titio centum, non tenetur dare, & si non det cum scandalo, peccabit contra charitatem peccato scandali, non contra obedientiam; unde excommunicationem in foro interno non incurret.

Dubium est secundo; An quando Judex cognoscit privata scientia innocentiam Petri, qui secundum allegata, & probata est reus, possit illum ad instantiam partis excommunicationis?

Respondeo, D. Th. 2. 2. quæst. 77. cum Thomistis communiter aliter, quod possit Judex etiam punire pena mortis illum, quem scit scientia privata esse innocentem; si tamen secundum allegata, & probata penam illam mereatur; quia Judex condemnat ut persona publica; & ideo dirigi solum debet a notitia publica. Hanc tamen doctrinam ceteroquam probabilem rejiciunt Less. lib. 2. cap. 29. dub. 10., Sæ, Filluc., Bonac., Lug. de justitia disp. 37. fect. 14.; quia directe occidere innocentem est intrinsece malum; in casu autem nostro directe occideretur innocens; nam quando constat de innocentia hominis, uti scientia publica ad illum con-

condemnandum, est uti potius errore, quam scientia.

Verum Less., Bonac., Laym. docent, tam in causis civilibus, quam in criminalibus minoribus posse uti scientia publica judicem contra eum, quem fecit notitia privata esse innocentem; quia Respublica habet potestatem in bona suorum Civium, quando bonum publicum id requirit; ut accidit in casu nostro, ne forma publicorum judiciorum cum scandalo evertatur.

Equidem censeo cum Con. dub. 113., quod judex teneatur saltem ex charitate liberare se, quantum potest, ab onere condemnandi innocentem, & efficere, ut veritas eluceat. Quod si nequeat, distinguendum est; nam vel id, quod ad instantiam partis praepciendum est sub censura, potest licite ponи; (ut in primo illo casu licite potest Petrus dare Titio centum, quamvis illa ipse non sit saturatus) vel non potest licite ponи; (ut in secundo casu non potest licite Paulus reddere debitum Berta, si constet de impedimento dirimente) Si primum, potest judex Petro, qui secundum allegata, & probata est fur, praepcipere sub censura, ut det Titio centum, etiam privata scientia cognoscat illum esse innocentem; quia potest Respublica, ne evertatur forma judiciorum, tollere centum Petro innocentii, & dare Titio; Si secundum, non potest judex praepcipere Paulo, ut reddat debitum Berta, si privata scientia cognoscit dari impedimentum dirimens; quia in nullo casu potest praepcipi malum intrinsece malum, sicut est in casu nostro forniciatio; Et propter eandem rationem non potest damnare penam mortis, quem notitia privata cognoscit innocentem, cum occidere innocentem sit intrinsece malum.

Quod diximus de Judice, dicendum

pariter de publice denunciante sententiam excommunicationis. Etenim in primo illo casu, qui cognoscit Petrum esse innocentem, & secundum allegata, & probata est fur, potest in bonum Reipublicae denunciare sententiam excommunicationis in Petrum non dantem Titio centum, & sic compellere Petrum ad danda centum; siquidem non compelleret ad aliquod intrinsece malum: Econtra in secundo casu qui scit notitia privata dari impedimentum dirimens matrimonium inter Paulum, & Bertam, non potest denunciare publice excommunicationem contra Paulum non cohabitentem, & non redditem debitum Berta; quia tali denunciatione compelleret Paulum ad id, quod est intrinsece malum.

Quæritur quarto; Quanam impotentia excusat a censura incurrenda?

Respondeo, illam impotentiam sive physicam, sive moralem ponendi opus praeceptum sub censura, quae excusat a culpa gravi, excusare etiam a censura incurrenda, ut patet. Ex quo sequitur primo, quod non restituens propter impotentiam sicut non peccat, cum ad impossibile nemo teatur; ita nec ligatur censura, quae est poena peccati. Secundo, eodem modo qui restituere non potest sine gravi damno bonorum superioris ordinis, ut vita, fama, &c., aut sine gravi alio incommodo, sicut excusat a precepto restituendi, ita a censura. Tertio, qui vero potens restituere, quando praecepiebatur restitutio sub censura, non tamen restituit, ita incidit in censuram, ut si deinde evadat impotens restituere, non proinde a censura liberetur, ut notant Filliac., Bonac., Suar. apud Leand. disp. 9. quæst. 30.; quia censura incurfa unice per absolutionem tolli debet. Demum qui ad tempus propter impotentiam excusat a restituzione,

si

si habeat deinde , unde solvat aut totum , aut partem , ita tunc tenetur , ut aliter tunc incidat in censuram .

Dubium nunc est ; An qui ex malitia sit impotens , excusetur a censura , quando non ponit id , quod præcipitur . Escobar in sum. cap. 6. putat , probabilius esse , quod non excusetur : Verbi gratia , si præcipiatur horarum recitatio sub censura , & aliquis projiciat in mare breviarium , ne possit horas recitare , hic censuram incurrit ; quia qui obligat ad finem sub censura , obligat etiam sub censura ad ponenda media necessaria ad finem ; & ideo lex , quæ obligat recitare horas , obligat etiam ad non projiciendum breviarium , quod est necessarium ad horas recitandas : Eodem modo si præcipiatur sub censura restitutio intra quindecim dies , & fut prima die projiciat numeros , ita ut ex malitia reddatur impotens deinde restituere , elapo decimoquinto die censuram incurrit non restituendo , etiamsi tunc sit impotens , quia est impotens ex malitia . Non negaverim tamen , quod si interim illum paeniteat culpæ commissæ , censuram non incurrit , ut supra diximus in casu simili ; videlicet si Petrus vulneret Cajum lethaliter , & deinde illum paeniteat , quando postea Caus ex vulnere moritur , Petrus non incurrit censuram latam contra homicidas ; quia tunc abest contumacia prærequisita ad censuram incurrendam ; ut multi docent apud Dian. part. 8. tract. 7. resol. 85.

Addit Bonac. quæst. 3. punct. 3. , quod excommunicationem etiam incurrat , qui iussus restituere ante quindecim dies , prævidens se fore impotentem sine sua culpa ultimis diebus , non restituit primis diebus , quando erat potens : Ratio est , quia tenebatur prævenire impotentiam : Sicuti qui tenetur audire missam , si prævidet

futurum se impotentem ultimis horis , tenetur illam primo mane audire .

VII. Quæritur quinto ; Quanam ignorantia censuræ excusat ab illa incurrenda ?

Ante responsonem advero primo , multipliciter Ignorantiam dividi . Primo enim dividitur in ignorantiam juris , facti , & poena . Ignorantia juris est , quando ignoratur lex aliquid prohibens , vel præcipiens : Ignorantia facti , quando ignoratur , num factum sit contra aliquam legem certo cognitam ? Verbi gratia , si ignores , num fuerit clericus , quem percussisti . Ignorantia poena dicitur , quando habetur notitia certa tam juris , quam facti , sed ignoratur , quod jus prohibeat tale factum sub tali poena ; Verbi gratia , scis prohibitam esse percuSSIONEM Clerici ; & scis quem percussisti esse clericum , nescis tamen prohibitam esse sub censura percuSSIONEM clerici .

Secundo dividitur Ignorantia invincibilem , seu inculpabilem , & vincibilem , seu culpabilem . Invincibilis est , quæ per diligentiam humanam superari non potuit , vel quia non occurrit menti ulla dubitatio , a qua moveri posset homo ad inquirendam veritatem ; vel quia si occurrit dubitatio , non proinde potuit veritas acquiri . Vincibilis ignorantia habetur , quando potest subortum dubium factum non est moralis diligentia ad veritatem acquirendam , per quam diligentiam talis ignorantia vinci poterat : Quod si ignorans vincibiliter potest se obligari ad tales diligentiam , & illam omissit , tunc non solum laborat ignorantia vincibili , sed etiam culpabili ; si vero non potest se obligari ad illam diligentiam , & ideo illam omissit , tunc laborat ignorantia solum vincibili , sed inculpabili ; quamvis ignorantia vincibilis , quæ simul est inculpabilis , appellari etiam soleat invincibilis .

Ter-

Tertio Ignorantia vincibilis, seu culpabilis subdividitur in affectatam, & crassam, seu supinam. Habet affectatam, qui studiose, & data opera vult ignorare, quod se debere scire cognoscit, juxta illud Psalm. 35. *Nolus intelligere, ut bene ageret.* Talis ignorantia, cum sit aperte voluntaria, dicitur in jure apertus dolus esse, & malitia potius, quam ignorantia. Habet vero ignorantiam crassam, seu negligenter, & supinam, qui ignorat, quæ scire debet ex quodam animi torpore, vel ex nimia sollicitudine erga res alias, a qua redditur negligens in addiscendis iis, quæ scire debet: Talis autem ignorantia est solum indirecte voluntaria; Et aliquando est gravis, aliquando levus; quamvis in jure non vocetur absolute crassa, & supina, nisi quando intercedit gravis culpa.

Quarto dividitur ignorantia in Antecedentem, & Concomitantem. Antecedens est causa actus, qui non fieret, si ignorantia illa decesset; ut quando quis occidit Clericum nesciens ejus clericatum, quem si sciret, illum non occideret. Concomitans est, quæ ita actum comitur, ut adhuc si illa decesset, actus fieret; puta quando quis casu putans occidere feram, occidit inimicum, eo tamen animo, ut libenter occasionem illam faceret, si sciret ibi esse suum inimicum.

Demum dividitur Ignorantia in Actualis, & Habitualis. Habet habitualis, (quæ absolute ignorantia dicitur) qui nunquam cognovit illud, quod ignorat: Habet vero Actualis, (quæ dicitur inadvertentia, seu inconsideratio, & oblivio) qui quod alias novit de facto in mente non habet. His explicatis

Dico primo; Ignorantia invincibilis juris Ecclesiastici, etiam stante cognitione juris naturalis, aut divini, excusat ab incursum censuræ: Verbi gra-

tia, si scias furtum esse jure naturali prohibitum, nescias vero esse prohibitum sub censura jure Ecclesiastico, furando peccas, sed censuram non incurris. Ita communiter cum Con. dub. 10. Hurt. difficult. 22. Ratio est clara, quia ad incurriendam censuram requiritur, ut peccans sit contumax, seu inobediens Ecclesiæ præcipienti aliquid sub censura; ergo si ignoretur præceptum, seu jus Ecclesiasticum, cessat contumacia, & sic censura incurri non potest.

Hinc infertur, neque censuram incurri, si detur ignorantia invincibilis facti; quia sicut ignorantia juris reddit involuntarium actum, inquantum malum, seu prohibitum, ita ignorantia facti reddit actum secundum se, & simpliciter involuntarium. Idque est verum etiamsi quis det operam rei illicitæ; Verbi gratia, si quis dans operari venationi prohibitæ occidat Clericum, nesciens illum esse Clericum; ut docet Sanch., Leand. quæst. 9. & alii communiter contra Sylvest. & alios. Immo neque censura incurritur, si detur ignorantia invincibilis solius poenæ, ut docet Con. dub. 10. ex Suar., Avil., & aliis contra Covarr., & Hurt. diff. 22. apud Leand. quæst. 7. Quare ignorantia tam juris, quam facti, & poenæ, si sit invincibilis, excusat a censura. Adde idem dicendum, sive ignorantia juris Ecclesiastici, aut facti, aut poenæ sit ignorantia habitualis, sive sit ignorantia actualis, hoc est inadvertentia; ut communiter Doctores apud Leand. quæst. 24. Et idem dicendum, sive ignorantia sit antecedens, sive sit concomitans, ex Suar., & aliis communiter contra Sanch., Ugolin., Henr., & alios apud Leand. quæst. 22. Etenim ignorantia concomitans supra actum nihil aliud addit, nisi pravum animum ponendi talem actum, etiamsi esset prohibitus sub censura; hic autem pra-

pravus animus, cum sit tantum conditionatus, nihil ponit in esse, nec causat actum externum; & ideo non est capax censuræ: Unde sequitur, quod qui Clericum occidit nesciens ejus clericatum, eo tamen animo, ut etiam illum occideret, quamvis sciret esse clericum, censuram non incurrit.

Oppones ex Hurt.: qui ignorat peccatum mortale prohiberi sub reatu pœnæ inferni, adhuc pœnam inferni meretur, si peccatum mortale committat; ergo pariter qui ignorat peccatum aliquod, puta percussionem Clerici, prohiberi ab Ecclesia sub pœna censuræ, adhuc censuram incurrit, si clericum percutiat; atque adeo ignorantia invincibilis pœnæ non excusat ab incursu censuræ.

Confirmatur, quia irregularitas etiam ignorata incurrit; ergo pariter censura.

Respondeo, concessio antecedente, nego consequentiam. Disparitas est primo, quia pœna inferni est punitiva; pœna vero censuræ est medicinalis; non est autem necesse, ut pœna punitiva, seu vindicativa cognoscatur, ut peccato sit debita; secus vero pœna medicinalis. Etratio est, quia medicina, ut mederi possit, debet ægroti applicari; applicatur autem pœna medicinalis spiritualis peccatori ægroti solum per cognitionem illius; ergo nisi pœna medicinalis cognoscatur, non est debita peccato.

Secunda disparitas est, quia pœna inferni de se debetur cuilibet mortali; at censura non debetur ulli peccato secundum se, sed solum quando peccator est contumax; atqui ut habeatur contumacia, requiritur, ut peccator contra monitionem Ecclesiæ, & contra comminationem censuræ operetur; atque adeo requiritur, ut cognoscatur monitio, & comminatio censuræ; ergo nisi censura cognoscatur,

non incurritur. Adde, quod sicut non dicitur operari contra legem, qui legem non cognoscit; ita nec operatur contra monitionem committantem censuram, qui talem monitionem non cognoscit; ergo qui censuram ignorat, contumax non est; atque adeo nec capax censuræ.

Ad confirmationem primo dico, Irregularitatem ex delicto, cum sit pœna, non incurri, si ignoratur, ut docet Sanch. lib. 4. de Matrim. disp. 32.; quamvis irregularitas ex defectu etiam ignorata incurritur, quia non est pœna, sed impedimentum canonicum. Secundo, concessio antecedente, & dato, quod irregularitas ex delicto etiam ignorata incurritur, ut docet Laym. tract. 4. cap. 20. afferit, nego consequentiam. Disparitas est, quia irregularitas non est pœna medicinalis, sicut est censura, quæ cognosci debet ab ægroti, ut possit illum curare; sed irregularitas ex defectu est impedimentum canonicum, & irregularitas ex delicto est etiam pœna vindicativa, & perpetua, non medicinalis.

Dico secundo; Ignorantia vincibilis sive juris, sive facti, sive pœni, nisi sit talis, ut excusat a culpa mortali, non excusat ab incurrenda censura. Ita communiter cum Suar. sect. 10. qui non audet dicere oppositam sententiam esse practice probabilem, cum non habeat pro se nisi unum, vel alterum Recentiorum, qui non valido fundamento, sed quadam pietate erga delinquentes ducitur ad tenuendum oppositum. Ratio conclusio- nis ex Suar. est, quia ignorantia vincibilis mortaliter culpabilis vel est crassa, seu supina, vel (quæ pejor est) affectata; atqui si sit crassa, seu supina, videlicet orta ex gravi negligencia, non excusat a censura; ergo a fortiori non excusat, si sit affectata; & consequenter nulla ignorantia vin-

ci

cibilis mortaliter culpabilis excusat a censura. Minor probatur, quia in Cap. *Ue animarum, de constitution.* in 6. dicitur aperte, *Statutis Ordinariorum non ligari ignorantes, nisi eorum ignorancia sit crassa, vel supina:* Et ratio a priori est ex Con. dub. 11. ; quia videtur incredibile, quod nolit Ecclesia punire eam negligentiam mortalem, quæ committitur in sciendis censuris.

Adverte tamen, quod quamvis ignorantia vincibilis mortaliter culpabilis regulariter loquendo non excusat ab incurrienda censura, aliquando tamen excusat; præsertim si sit crassa, seu supina; videlicet quando lex comminans censuram addit particulam aliquam, quæ requirit scientiam, ut sunt hæ particulae, *Scienter, Confusio, qui præsumperit, qui temere, vel temerarius violator extiterit, &c.*, ut docet Leand. quæst. 20., & alii communiter. Utrum autem in tali casu etiam ignorantia affectata excusat? Affirmat Hurt.: Sed communiter negant Doctores apud Leand. quæst. 21., quia ignorantia affectata in jure aequiparatur dolo, & ipsi scientiæ, ex Cap. *Eos qui, de temporibus ordinat.* in 6.

Dico tertio; Censura lata per sententiam Judicis in eum, qui monitus noluit resipiscere, incurritur etiam ab ignorantie illam, quando Judex intentionem habet ligandi delinquentem, antequam illi censura innotescat. Ita communiter.

Ratio est clara; quia talis censura ex una parte supponit jam in delinquente contumaciam, ex alia parte potest ferri in absentem; ergo non est cur ab ignorantie illam non incurritur. Unde fit, quod in tali casu sic excommunicatus careat jurisdictione, incapax sit beneficii, &c., quamvis id ignoret.

Neque dicas; Posset talis delinquens resipiscere, dum infligitur illi censura;

*Pars VIII.*

ergo censura sic lata in ignorantem est invalida. Nam concessio antecedente, nego consequentiam: Censura enim non fertur propter contumaciam delinquentis usque ad tempus, in quo fertur censura, sed propter contumaciam usque ad tempus in monitione præfixum. Quare cum supponatur ulque ad tale tempus perseverasse contumaciam, licet potest delinquens censura ligari, etiamsi dum ligatur censura, vel ante, coram Deo resipuerit; dummodo non resipuerit coram Ecclesia, præsentando se Superiori, & exhibendo obedientiam, & satisfactionem: Itaque licet probabilis sit sententia Filliuc. tract. 1. cap. 8., & aliorum apud Dian. part. 8. tract. 7. resol. 85., quod censura a iure non incurritur ab eo, qui sit actu peccit, & de peccato doleat, ob quod deberet censuram incurrire; ut si quis vulneret graviter alium, & an tequam sequatur homicidium, contetur, non incurrit deinde censuram in jure latam contra homicidas, quia per pœnitentiam cessavit contumacia in foro interno, & sic nulla incurritur in foro interno censura: At in casu nostro cum feratur censura per sententiam Judicis, incurri debet in foro externo; quicquid sit, an si tunc restituerit, in foro interno ab ea sit immunis.

VIII. Quæritur sexto; An dubium censuræ excusat ab illa?

Respondeo, tam dubium juris, quam dubium facti a censura excusare. Ita communiter cum Sanch. lib. 1. in Decalog. cap. 10. num. 56., & aliis apud Tambur. lib. 1. in Decalog. cap. 3. §. 7. V. *Censuræ.* Ratio est, quia stat in possessione libertas. Si tamen rationabiliter dubites, & veritatem inquirere negligas negligencia graviter culpabili, debes te gere ut censura ligatum; quia laboras ignorantia vincibili, quæ, ut diximus,

F non

non excusat a censura; Præterquam quod in tali casu assimilari possesso-ri malæ fidei: Ita Tambur. loc. cit. Et idem dicas, si dubites, an fueris absolutus. Quod si prudenter dubi-tes, an censura contra te lata sit ju-sta, an a legitimo superiore, an cum debitiss requisitis, &c. Multi cum Bar-di de conscient. disp. 6. cap. 7. putant, quod debebas te gerere tamquam censura ligatum; quia possessio stat pro censura, & pro Judice ferente illam, qui in dubio præsumitur rite protulisse sententiam. Tambur. vero putat, quod in foro externo debebas te gerere ut censura ligatum, propter rationem adductam, non tamen in foro conscientiæ; siquidem in foro con-scientiæ possessio stat pro libertate, & in dubio melior est conditio pos-sidentis. Ita etiam Dian. part. 4. tract. 3. resol. 8. ex Vasq., & Salas.

IX. Quæritur ultimo; An metus, & vis etiam excusat ab incurru censura?

Respondeo, certum esse, quod metus levis non excusat; Metus vero gravis cadens in constantem virum, puta, metus mortis, infamiae, exilii, aut gravis detrimenti, sive spiritualis, sive temporalis, communiter docent, quod a censura excusat, eo quod ex-cusat a transgressione præcepti Ecclesiastici; cum Ecclesia piissima mater nunquam velit obligare suis præceptis cum magno incommodo. Quare si non habetur transgressio præcepti Ecclesiastici, non habetur contumacia, & consequenter nec censura.

Dubium est; An metus gravis ex-cusat a censura, quando hæc fertur pro criminis alias lege naturali prohibito? Sanch., Pal., Hurt., & alii apud Le-and. quæst. 26. docent, quod qui ex metu gravi etiam mortis, verbi gra-tia, adulteraret, posito quod adulterium sit prohibitum sub censura, il-lam incurreret; quia sicut metus in

tali casu non excusat a peccato mor-tali; ita neque a censura. Verum Suar. disp. 4. sect. 3., Bonac., Avil., Con-dub. 10. cum eodem Leand. putant, in tali casu adulterantem, licet non excusat a peccato, a censura ta-men excusat. Ratio est, quia men-s gravis non excusat a transgressione præcepti naturalis, sed excusat trans-gressione præcepti Ecclesiastici; unde qui vi, & metu cogeretur ad adulterandum, peccaret mortaliter con-tra legem naturalem, sed non pecca-ret cum contumacia, seu cum trans-gressione præcepti Ecclesiæ, que non-quam obligat cum tanto onere; atque adeo non incurreret censuram ab Ec-clesia latam contra adulterantes.

Quod si quis per gravem metum com-pelleretur ad adulterandum in con-temptum Ecclesiæ prohibentis adul-te-rium sub censura, probabilius est, quod in tali casu censuram incurret; ut docent Henr., & Suar. contra Can-didum, & Salas apud Leand. loc. cit.; quia probabilius est velle Ecclesiam in tali casu obligare sub censura, ne contempnatur. Et idem dicas, si quis per gravem metum adulteraret in con-temptum Dei prohibentis adulterium: Et ideo in cap. Sacris, de iis, quæ vi, metusve causa sunt dixit Pontifex, quod excommunicationem incurrit, qui ex metu gravi communicat cum excommunicato, quando scilicet id prohibetur sub mortali; quia in con-temptum Ecclesiæ talis metus iniuste-tur.

Demum circa Necessitatem dicen-dum, quod necessitas, quæ a pecca-to mortali in lege humana excusat, etiam excusat a censura.

non

A R.